



SAOPŠTENJE ZA MEDIJE

Saradnjom s BINIS-om, CEMEX širi poslovanje na tržištu regije Banja Luka

Banja Luka, 21. augusta 2014. - Preuzimanjem betonare BINIS, kompanija CEMEX, sa već etabliranim položajem na važnom tržištu regije Banja Luka, će od 1. oktobra upravljati njenim radom i tako proširiti svoje poslovanje transportnim betonom.

Potpisivanjem ugovora o poslovno-tehničkoj saradnji sa BINIS-om, svojim dugogodišnjim partnerom, CEMEX se direktno uključio u tržište betona u Banja Luci, što potvrđuje strateško opredjeljenje ove kompanije za jačanje tržišne pozicije na ovom prostoru.

Potpisanim ugovorom, CEMEX će preuzeti upravljanje betonarom BINIS-a, te će dvije kompanije zajednički nastupati na banjalučkom tržištu transportnog betona. BINIS će, također, nastaviti s proizvodnjom i plasmanom betonskih prefabrikata, poput opločnika, šaftova, blokova, cijevi, kanalice i ostalog, čime se očekuje jačanje obje kompanije na tržištu.

„Ovim aranžmanom, uz BINIS-ovu dugogodišnju leadersku poziciju na tržištu Banja Luke i okoline, te prepoznatljiv kvalitet našeg „splitskog“ cementa, kupci betona u Banja Luci dobijaju za partnera globalnog lidera u segmentu gotovog betona, usmjerenog na visokokvalitetna, inovativna, održiva, ali i konkurentna rješenja.“, izjavio je Trpimir Renić, CEMEX-ov predsjednik Uprave.

„Zadovoljan sam obavljenim poslom. Ovo udruživanje nastalo je nakon dugogodišnje uspješne saradnje sa CEMEX-om, te vjerujem da će dodatno osnažiti obje kompanije.“, dodao je Borko Radinković, direktor BINIS-a.

Nova betonara u CEMEX-ovoj mreži isporučivat će beton na području regije Banja Luka. Kupcima će biti ponuđeni novi proizvodi i građevinska rješenja koja ovaj najveći svjetski proizvođač betona već nudi širom svijeta. Također, kupci će, osim zajamčeno kvalitetnih proizvoda, moći iskusiti i prednosti CEMEX-ovog načina rada koji ne uključuje samo proizvodnju materijala, već i tehničku podršku, inovacije u betonu, ali i vrlo važnu brigu o pravovremenosti logističke podrške.

„Beton se sve više prepoznaje kao kvalitetan i održiv materijal za gradnju, stoga ga već godinama promoviramo kao izvrsno rješenje u različitim infrastrukturnim projektima. Primera radi, betonski putevi u poređenju sa asfaltnim, osim što su trajniji, zahtijevaju manje sredstava za održavanje, prihvatljiviji su i za okoliš“, naglašava Trpimir Renić.

CEMEX-ov cement prisutan je na tržištu Bosne i Hercegovine već decenijama. Na spomenutom području, kompanija trenutno posluje sa šest terminala, što za rasuti, što za cement u vrećama, kao i kroz betonaru u Kiseljaku. Stoga, proizvodnja betona na području regije Banja Luka je bila logičan nastavak širenja poslovanja u BiH.

Kontakt za medije:

Martina Tadin

Koordinatorica za odnose s medijima

e-mail: martina.tadin@cemex.com

tel: 021/201 - 009



CEMEX je poznat kao predvodnik u proizvodnji različitih vrsta namjenskih i dekorativnih betona, što njegovu ponudu izdvaja od ponude konkurencije na tržištu, a kontinuirano radi i na promociji betona kao građevinskog materijala budućnosti. Ova kompanija danas, uz tri cementare u Hrvatskoj, posluje kroz ukupno sedam betonara strateški rasprostranjenih u Dalmaciji, sjeverozapadnoj Hrvatskoj, te središnjoj Bosni i Hercegovini.

DODATNE INFORMACIJE

CEMEX je vodeći globalni proizvođač građevinskog materijala koji nudi visokokvalitetne proizvode i usluge klijentima i zajednicama širom Evrope, Amerike, Bliskog istoka i Azije. Kroz svoju poslovnu mrežu proizvodi, distribuira i prodaje cement, beton, agregat i vezane građevinske materijale u više od 50 zemalja svijeta, te broji gotovo 44.000 zaposlenih širom svijeta. S impresivnom brojkom od 1.784 betonara kojima upravlja, CEMEX je vodeći proizvođač betona na svijetu.

BINIS je fabrika za proizvodnju betona i betonskih proizvoda osnovana 1990. godine sa sjedištem u Banja Luci. Tehničko-tehnološka opremljenost, stručno osposobljeni kadrovi, dobro razvijen informacijski sistem i tržište, te razvijen sistem kontrole kvaliteta repromaterijala i finalnih proizvoda po JUS, DIN i EN standardima garancija su kvaliteta proizvoda kompanije.

Kontakt za medije:

Martina Tadin

Koordinatorica za odnose s medijima

e-mail: martina.tadin@cemex.com

tel: 021/201 - 009